



НИЙСЛЭЛИЙН ЗАСАГ ДАРГЫН
ЗАХИРАМЖ

2019 оны 01 сарын 08 өдөр

Дугаар А/15

Улаанбаатар хот

Автотээврийн болон өөрөө явагч хэрэгслийн албан татвар, агаарын бохирдлын төлбөр, авто зам ашигласны төлбөр хураах талаар авах зарим арга хэмжээний тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2, Монгол Улсын Автотээврийн болон өөрөө явагч хэрэгслийн албан татварын тухай хуулийн 8 дугаар зүйлийн 2, Агаарын бохирдлын төлбөрийн тухай хуулийн 9 дүгээр зүйлийн 9.3, Авто замын тухай хуулийн 12 дугаар зүйлийн 12.1.3, 25 дугаар зүйлийн 25.2.5, Монгол Улсын Ерөнхий сайдын 2018 оны 198 дугаар захирамж, Нийслэлийн иргэдийн Төлөөлөгчдийн Хурлын 2018 оны "Нийслэлийн 2019 оны төсөв батлах тухай" 20/17 дугаар тогтоолыг тус тус үндэслэн ЗАХИРАМЖЛАХ нь:

1. Нийслэлд автотээврийн болон өөрөө явагч хэрэгслийн албан татвар, агаарын бохирдлын төлбөр, авто зам ашигласны төлбөр /цаашид албан татвар, төлбөр гэх/ хураах, автотээврийн болон өөрөө явагч хэрэгслийн техникийн үзлэг, татварын хяналт шалгалтыг удирдан зохион байгуулах үүрэг бүхий Комиссын бүрэлдэхүүнийг хавсралт ёсоор баталсугай.

2. Нийслэлд бүртгэлтэй бүх төрлийн тээврийн хэрэгслийн албан татвар, төлбөр хураах ажлыг 2019 оны 01 дүгээр сарын 02-ны өдрөөс 06 дугаар сарын 01-ний өдрийн хооронд зохион байгуулж, орлогыг төсөвт төвлөрүүлэн ажиллах, албан татвар, төлбөрөө төлөөгүй тээврийн хэрэгсэл эзэмшиж буй иргэн, аж ахуйн нэгж, байгууллагын дутуу төлөлтийг хураан барагдуулах, хариуцлага тооцох хяналт шалгалтын ажлыг зохион байгуулж, дүнг тухай бүр танилцуулж байхыг Комисс /Т.Гантөмөр/-т даалгасугай.

3. Дүүргийн Засаг дарга нарт дараахь арга хэмжээ авч ажиллахыг даалгасугай:

3.1 Албан татвар, төлбөр хураах ажлыг нутаг дэвсгэрийн зарчмаар зохион байгуулан, тухайн нутаг дэвсгэрт автотээврийн хэрэгсэл эзэмшиж буй иргэн аж ахуйн нэгж, байгууллагыг бүрэн хамруулж, өмнөх жилийн хамрагдалтын түвшинг нэмэгдүүлэн, нэг цэгийн хэлбэрээр зохион байгуулах;

3.2 Албан татвар, төлбөр хураах ажлыг дүүргийн Засаг даргын захирамжийн дагуу Засаг даргын дэргэдэх хэлтэс болон харьяа байгууллагатай хамтран /тухайлбал: Тээврийн болон Цагдаагийн хэлтэс, хороод, Автотээврийн үндэсний төвийн салбар, банкны байгууллага түүнчлэн холбогдох бусад байгууллага/ Татварын хэлтэс хуулийн хугацаанд зохион байгуулах;

3.3 Иргэн, аж ахуйн нэгж, байгууллагуудын албан татвар, төлбөрийг хуулийн хугацаанд Нийслэлийн замын сангийн дансанд төвлөрүүлэх;

3.4 Албан татвар, төлбөр хураахтай холбогдсон мэдээлэл, тээврийн хэрэгслийн нэгдсэн цахим үйлчилгээ "smartcar.mn" систем, гар утасны аппликэйшн, гэрэгэ киоск машин ашиглан албан татвар, төлбөрөө төлөх талаар зар сурталчилгааг хэвлэл мэдээллийн хэрэгслээр дамжуулан нийтэд түгээх, сурталчлах ажлыг зохион байгуулах.

4. Дараахь арга хэмжээ авч хэрэгжүүлэхийг доор дурдсан байгууллага, албан тушаалтнуудад даалгасугай:

4.1 Нийслэлийн иргэдийн Төлөөлөгчдийн Хурлын Тэргүүлэгчдийн 2015 оны 28 дугаар тогтоолоор баталсан "Нийслэлд автотээврийн хэрэгслийн бүртгэл, төлбөрийн тогтолцоог шинэчлэн нэвтрүүлэх журам"-ын 3.4-т заасны дагуу автотээврийн хэрэгслийн албан татвар, төлбөр хураах ажлыг зохион байгуулж, тухайн сардаа албан татвар, төлбөр төлөөгүй автотээврийн хэрэгсэлд хяналт тавьж, замын хөдөлгөөнд оролцуулахгүй байх арга хэмжээ авч ажиллахыг Нийслэлийн Татварын газар /Д.Мөнх-Учрал/, Тээврийн цагдаагийн албаны Замын цагдаагийн газрын дарга, цагдаагийн хурандаа /Д.Дашдорж/-д;

4.2 Тухайн сардаа албан татвар, төлбөрөө төлөөгүй, техникийн хяналтын үзлэгт хамрагдаагүй замын хөдөлгөөнд оролцож байгаа автотээврийн хэрэгслийг камерын тусламжтайгаар илрүүлж, хууль тогтоомжийн дагуу торгуулийн мэдэгдэх хуудас хүргүүлэн, холбогдох газруудыг мэдээллээр хангаж хамтран ажиллахыг Замын хөдөлгөөний удирдлагын төв /Д.Одбаяр/, Тээврийн цагдаагийн албаны Замын цагдаагийн газрын дарга, цагдаагийн хурандаа /Д.Дашдорж/-д;

4.3 Нийслэлийн төр, захиргааны болон нийтийн тээврийн үйлчилгээний аж ахуйн нэгж, байгууллагуудын албан татвар, төлбөрийг хуулийн хугацаанд Нийслэлийн замын сангийн дансанд төвлөрүүлэхийг Нийслэлийн Засаг даргын Тамгын газрын Санхүү, төрийн сангийн хэлтэс /Э.Ганхүү/, Нийслэлийн Татварын газар /Д.Мөнх-Учрал/, Нийслэлийн Тээврийн газар /Д.Отгонбаатар/-т;

4.4 Албан татвар, төлбөр хураах ажлыг зохион байгуулахад шаардагдах зардлыг 2019 оны Нийслэлийн замын сангийн хөрөнгө оруулалтын төлөвлөгөөнд батлагдсан эх үүсвэрээс санхүүжүүлэхийг Нийслэлийн Засаг даргын Тамгын газрын Санхүү, төрийн сангийн хэлтэс /Э.Ганхүү/-т, тээврийн хэрэгслийн нэгдсэн цахим үйлчилгээ "smartcar.mn" систем, гар утасны аппликэйшн ашиглан албан татвар, төлбөр төлөх талаар хэвлэл мэдээллийн хэрэгслээр нийтэд мэдээлж, сурталчлахыг Нийслэлийн Засаг даргын Тамгын газрын Хэвлэл мэдээлэл, олон нийттэй харилцах хэлтэс /Э.Дагиймаа/-т;

4.5 Нийслэлийн Үйлчилгээний нэгдсэн төвүүдэд тээврийн хэрэгслийн албан татвар, төлбөр хураах, төвлөрсөн үйлчилгээний цэгүүдийг тогтмол ажиллуулж байхыг Нийслэлийн Татварын газар /Д.Мөнх-Учрал/, Нийслэлийн Засаг даргын Тамгын газар /М.Отгонбаяр/-т тус тус;

5. Нийслэлд бүртгэлтэй тээврийн хэрэгслийн албан татвар, төлбөр төлөлтөд технологийн дэвшил ашиглан хяналт тавих систем хөгжүүлэх ажлыг зохион байгуулахыг Замын хөдөлгөөний удирдлагын төв /Д.Одбаяр/, Нийслэлийн

/Д.Мөнх-Учрал/-т, холбогдох эс үүсвэрээс санхүүжүүлэхийг Нийслэлийн Засаг даргын Тамгын газрын Санхүү, төрийн сангийн хэлтэс /Э.Ганхүү/-т тус тус үүрэг болгосугай.

6. Албан татвар, төлбөр хурааж байгаа нэг цэгийн үйлчилгээний байранд банкны үйлчилгээг нэвтрүүлж ажиллахыг Улаанбаатар хотын банк /А.Энхмэнд/-нд тээврийн хэрэгсэл эзэмшигчийн хаягийн бүртгэлийг шинэчлэх, нийслэлд бүртгэлтэй тээврийн хэрэгслийн шилжих хөдөлгөөнийг албан татвар, төлбөр төлснийг үндэслэн шилжүүлж, техникийн хяналтын үзлэг оношилгоонд хамруулж ажиллахыг Автотээврийн үндэсний төв /П.Дэлгэрнаран/-д тус тус зөвлөсүгэй.

7. Энэ захирамж гарсантай холбогдуулан "Автотээврийн болон өөрөө явагч хэрэгслийн албан татвар, агаарын бохирдлын төлбөр, авто зам ашигласны төлбөр хураах талаар авах зарим арга хэмжээний тухай" Нийслэлийн Засаг даргын 2018 оны А/02 дугаар захирамжийн 1 дүгээр заалтыг хүчингүй болсонд тооцугай.

НИЙСЛЭЛИЙН ЗАСАГ ДАРГЫН
НОГООН ХӨГЖИЛ, АГААРЫН
БОХИРДЛЫН АСУУДАЛ ХАРИУЦСАН
ОРЛОГЧ



Ж.БАТБАЯСГАЛАН

Нийслэлийн Засаг даргын 2019 оны

...сарын...-ны өдрийн
... захирамжийн хавсралт



НИЙСЛЭЛИЙН АВТОТЭЭВРИЙН БОЛОН ӨӨРӨӨ ЯВАГЧ
ТЭЭВРИЙН ХЭРЭГСЛИЙН АЛБАН ТАТВАР, АГААРЫН БОХИРДЛЫН
ТӨЛБӨР, АВТО ЗАМ АШИГЛАСНЫ ТӨЛБӨР ХУРААХ АЖЛЫГ
ЗОХИОН БАЙГУУЛАХ ТӨВ КОМИССЫН БҮРЭЛДЭХҮҮН

- Комиссын дарга: -Улаанбаатар хотын Ерөнхий менежер бөгөөд
Захирагчийн ажлын албаны дарга Т.Гантөмөр
- Гишүүд:
- Нийслэлийн Засаг даргын Тамгын газрын Санхүү,
төрийн сангийн хэлтсийн дарга Э.Ганхүү;
 - Нийслэлийн Засаг даргын Тамгын газрын Хэвлэл
мэдээлэл, олон нийттэй харилцах хэлтсийн дарга
Э.Дагиймаа;
 - Тээврийн цагдаагийн албаны Замын цагдаагийн
газрын дарга, Цагдаагийн хурандаа Д.Дашдорж;
 - Авто тээврийн үндэсний төвийн дэд
захирал Х.Баярхүү /зөвшилцсөнөөр/;
 - Авто тээврийн үндэсний төвийн Тээврийн хэрэгслийн
бүртгэлийн газрын дарга Б.Гүрсоронзон
/зөвшилцсөнөөр/;
 - Нийслэлийн Татварын газрын дарга Д.Мөнх-Учрал;
 - Нийслэлийн Авто замын хөгжлийн газрын дарга
Ж.Тогтохбаяр;
 - Нийслэлийн Тээврийн газрын дарга Д.Отгонбаатар;
 - Нийслэлийн Мэдээллийн технологийн газрын дарга
О.Чинзориг;
 - Улаанбаатар хотын банкны гүйцэтгэх захирал
А.Энхмэнд /зөвшилцсөнөөр/;
 - Дүүргийн Засаг даргын орлогч нар.
- Нарийн бичгийн дарга:
- Тээврийн цагдаагийн албаны Замын цагдаагийн
газрын Нийслэлийн Замын хөдөлгөөний хяналтын
хэлтсийн Ахлах мэргэжилтэн, Цагдаагийн дэд
хурандаа Б.Цэндзэсэм;
 - Нийслэлийн Татварын газрын Нийслэлийн төсвийн
татварын орлогын Тасгийн дарга Д.Очирсүрэн.